



Ғалымдар Айға 100 метрлік канал қазбақшы

Британдық ғалымдар Айда 100 метрлік канал қазуды ойластырып жатқандағын BBC News мәлім етті.

Ғалымдардың айтуынша, канал қазудағы басты мақсат – планетаның геологиясын зерттеп, өмір сүру мүмкіншілігін қарастыру екен.

Шара барысында канал қазылып, планетада астрономиялық обсерватория салыну жоспарлануда.

Айға 50-дей зерттеу жұмыстары жасалынып, оның алтауы адамның қатысуымен орын алса да, британдықтар Айдың әлі де толық зерттеуді қажет ететіндігін алға тартып отыр. Бұрынырақта Айда қазу жұмыстарын америкалықтар 1972 жылы «Apollo 17» шарасы барысында жүзеге асырып, үш метрлік канал қазған болатын.

Айдың оңтүстік полюсін зерттеудің ғылыми тұрғыдан ерекшеліктері көп.

Өйткені, осы аумақта күн жүйесіндегі адамзатқа белгілі ең терең 12 шақырымдық кратер орналасқан. Ғалымдар осыдан 4 млрд жыл бұрын ай мантиясының қойнауынан бетіне шыққан бөлшектері табылуы мүмкін деп болжайды.

Мұндай байырғы материяны зерттеу Ай табиғатын тани түсуге көмектеседі. Дәлірек айтқанда, осы бір жер серігі бұдан 4,5 млрд жыл бұрын Жер шарының Тейя планетасымен қақтығысуынан пайда болған деген болжамының ақиқаттығына көз жеткізуге мүмкіндік береді.

Британдық ғалымдар Айда канал қазуға 2015 жылы аттанбақшы. Lunar Mission One жобасына қаражат қайырымдылық шаралары арқылы жинастырылымақшы. Ал жобаға ақша берген байлар ақысына өздерінің суреттері мен шаштарының суреттерін Айға жіберу мүмкіндігіне ие болады.